

Morning Regional Dogri News Bulletin

04-Sept. 2026

मार्निंग डोगरी न्यूज़ बुलेटिन,

समा. 09.20 Hrs

A decorative horizontal line consisting of a series of blue diamond shapes, each with a white center, arranged in a repeating pattern.

Headlines

1. इसरो नै अज्ज बड़लै सवेला सफलता कन्नै श्री हरिकोटा थमां धरतै पर निगरानी रखने आहले EOS-05 उपग्रह दा प्रक्षेपण कीता। प्रधानमंत्री नरेन्द्र मोदी होरें इसी भारत दी बधदी योग्यता दा प्रतीक दस्सेआ।
2. मुखमंत्री उमर अब्दुल्ला होरें जम्मू दी नमें सिरिया बनाई गेदी मास्टर योजना दा लेया जायजा। लोकें दिएं समस्याएं गी दूर करने आस्तै योजनाबद्ध- शहरी विकास दा कीता आहवान।
3. जम्मू दे कानाचक्क इलाके कन्नै लगदे अंतराष्ट्रीय बन्ने परां इक पाकिस्तानी घुसपैठियें गी फगड़ेआ गेआ ऐ। सुरक्षा बलें माहोर च आतंकियें दे छप्पने आले इक ठिकाने गी कीता तबाह।
4. पूरे देसै च अज्ज “जन्माष्टमी” दा त्योहार पूरी धार्मिक श्रद्धा ते जोश कन्नै मनाया जा’रदा ऐ।
5. ते भारतीय महिला क्रिकेट टीम ने हांगकांग गी 137 रन्जें कन्नै हराइयै टी-20 एशिया कप दे सैमीफाईनल च अपनी थाहर पक्की कीती।

ISRO

अज्ज बड्डलै सवेला श्री हरिकोटा दे सतीश धवन अंतरिक्ष केन्द्र थमां भारत दे पैहले-पैहले Imaging उपग्रह गी सफलता कन्नै Geosynchronous Orbit च प्रेक्षपित कीता।

इसरो नै दस्सेआ जे भूलेआ अज्जै-कल्लै आहले धरतै दी निगरानी करने आहले अंतरिक्षयान EOS-05 गी सफलता कन्ने Sub Geosynchronous Orbit च प्रक्षेपित कीता गेआ।

एह उपग्रह Real Time तस्वीरां हासल करोआग ते कृषि ते आपदा प्रबंधन जनेह खेत्रें च देसैं दी मदाद करोग।

PM-EOS-05 ISRO

प्रधानमंत्री नरेन्द्र मोदी होरें EOS-05 गी लेइयै जा'रदे GSLV-F17 रॉकेट दे सफल लॉच उप्पर भारतीय अंतरिक्ष शोध संगठन इसरो गी मुबारकबाद दिती ऐ। ए भारत दा पैहला धरतै दे कन्ने अपनी स्थिति बदलने आला उपग्रह ऐ। अपने सोशल मीडिया पोस्ट च श्री मोदी होरें इस सफल लॉच गी श्रेष्ठता- नवाचार ते अंतरिक्ष क्षेत्र च भारत दे बदधे रसूख दा नतीजा दस्सेआ। प्रधानमंत्री होरें आखेआ जे इसरो ते भारतीय उद्योगें बश्कार सांझ-भ्याली मुख्यै दे अंतरिक्ष प्रोग्राम च होर ऊर्जा ते ताकत भरा'रदी ऐ ते भारत दी समर्थ गी होर अगड़ा लेइयै जा'रदी ऐ। श्री मोदी होरें इसरो दी इस उपलब्धि गी मुख्यै आस्तै गौह दस्सेआ।

<><><><><><>

Master Plan

मुख्यमंत्री उमर अब्दुल्ला होरें कल जम्मू विकास प्राधिकरण JDA दे 91में Board of Directors दे श्रीनगर विकास प्राधिकरण -SDA दी 85मी Board of Directors दी मीटिंग दी अध्यक्षता कीती ते जम्मू ते श्रीनगर दिएं मास्टर योजनाएं च संशोधन दे सरबंध्य च तज्वीज पर चर्चा कीती।

जम्मू गितै नमें सिरेआ तैयार कीती गेदी मास्टर योजना- 2032 पर बी 15एं योजना जोनें गी लेइयै चर्चा कीती गई। एहदे इलावा ज़िमी दे इस्तेमाल आहले वर्ग दे युक्तिकरण- Geo आधारित Mapping योजना दस्तावेज दिएं बड्डिं ढांचागत परियोजनाएं गी श्रृंखला बद्ध करने- पर्यावरण ते विरासती संरक्षण दे उपाएं- तवी दे तले ते जल रस्तें पर बी चर्चा कीती गई।

मुख्य सचिव होरें तज्वीज कीती गेदिं मास्टर योजनाएं च योजना बद्ध शैहरी विकास- सखल्ले बपार- लोकें दिएं चिताएं गी दूर करने ते पर्यावरण संरक्षण सरबंधी संतुलन दी जरूरत पर जोर पाया।

<><><><><><>

GLOF Meet

केन्द्रीय गृह सचिव गोविंद मोहन होरें बड़े मते जोशिम भरे समें च ग्लेशियर दे मुण्ड बन्नी दी झीले ते बर्फू दे तोदे पौने आहले थाहरें दी निरंतर ते सक्रिय निगरानी दी जरूरत उप्पर बल दिता ऐ। उनें एह गल्ल कल नमीं दिल्ली च GLOFs ते हिमस्खलन दे खलाफ हिमालयी राज्यें ते केन्द्र शासित प्रदेशें दियें तयारियें दी समीक्षा लेई

आयोजत इक बैठक दी अध्यक्षता दौरान आखी। बैठक च शुरुआती चेतावनी प्रणालियें- बड़े मते जोखम आहली थाहरें दी पंछान- समें उप्पर चेतावनी दा प्रसार- निकासी दी तैयारी ते प्रतिक्रिया दे तंत्र गी मजबूत करने उप्पर ध्यान केन्द्रत कीता गेआ। केन्द्रीय गृह सचिव होरें प्रतिक्रियाएं उप्पर आधारत उपायें शा हटियें- जोखिम आधारत योजना- निवारक उपायें ते सामुदायिक स्तर उप्पर तैयारी करने दे महत्व उप्पर जोर पाया ते राज्यें शा 2024 च केन्द्र सरकार आसेआ परियोजनाएं च तेजी लेओने दा आग्रह कीता। बैठक च जम्मू-कश्मीर दे मुख सचिव हुंदे सन 5एं राज्यें दे अधिकारी ते प्रमुख आपदा प्रबंधन एजेंसियें दे अधिकारियें हिस्सा लैता।

<><><><><><>

Prog. Announcement

आकाशवाणी दा क्षेत्रीय समाचार एकांश जम्मू औंदी 5 सितम्बर गी “राष्ट्री शिक्षक दिवस” दे मौके पर गल्लबात आहला इक बशेश कार्यक्रम प्रसारत करने गी जा’रदा ऐ जेहदे च साढ़े परौहने होडन जम्मू-कश्मीर थमां 2026 बरे दे राष्ट्री शिक्षक पुरस्कार हासल करने आहले मोहम्मद अयाज़ रैणा। चर्चा दा विशे रौहग “गुरु -साढ़े असली पथ निर्माता”। 30एं मिन्टें दी अवधि आहला एह् कार्यक्रम औंदें शनिवारें 5 सितम्बर गी दपैहरी साइडे 12 बजे प्रसारत कीता जाहग ते एहदी मेजबानी करडन साढ़े न्यूज एंकर जगमोहन शर्मा। पेश ऐ इस कार्यक्रम दी इक निक्की नेही झलक

<><><><><><>

Intruder

कल जम्मू दे कानाचक्क सैक्टर च अंतराष्ट्रीय बन्ने कोल सीमा सुरक्षा बल BSF ने इक पाकिस्तानी घुसपैठियें गी फगड़ेआ ऐ। आकाशवाणी दे जम्मू संवाददाता दी रिपोर्ट मुजब घुसपैठियें गी बड्डलै न्हरे सीमा चौकी BOP सोहन दे नेड़े 44 BSF बटालियन दे जोआनें फगड़ेआ। फगड़े जाने मगरा उसी BSF दी हिरासत च लैता गेआ। वरिशठ अधिकारी बी मौके उप्पर पुज्जे ते स्थिति दा जायजा लैता। अधिकारियें दस्सेआ जे फिलहाल फगड़े गेदे घुसपैठियें कोला ओहदी पंछान इत बक्खी ओने दा कारण ते होर दुई लोडचदी जानकारी हासल करने लेई- पुच्छ-गिच्छ कीती जा’रदी ऐ।

<><><><><><>

Mahore Recovery

सुरक्षा बलें इक अभियान दौरान हथियारें दा जखीरा बरामद कीता ऐ। जम्मू-कश्मीर दे रियासी जिले च तलाशी अभियान दौरान इक पिस्तौल-इक ग्रेनेड ते 184 रौंद- गोला बरुद बरामद कीता गेआ। रियासी दे संवाददाता नै अधिकारियें दी रिपोर्ट दे हवाले कन्नै दस्सेआ ऐ जे इक विशेष सूह थोने मगरा सुरक्षा बलें रियासी दे महौर क्षेत्र दे घने जंगलें च तलाशी अभियान चलाया। अभियान दौरान सुरक्षाबलें AK-47 राइफल दियां 140 रौंद- पीका मशीन गन दे 90 रौंद- पिस्तौल दे 25 रौंद- इक पिस्तौल- इक ग्रेनेड- 6 कैसैट ते इक ए.के मैगज़ीन बरामद कीता। अधिकारियें दस्सेआ जे इस सरबंथे च अगेत्री जांच कीती जा'रदी ऐ।

<><><><><><>

Janmashtmi Main

पूरे देश च अज्ज भगवान कृष्ण दे अवतरण आहला त्योहार “जन्माष्टमी” पूरी धार्मिक श्रद्धा ते जोश कन्नै मनाया जा' रदा ऐ। इस मौके पर श्रद्धालू बरत रखदे न ते ठाँगरद्वारें जाइयै मत्था टेकदे न। भगवान कृष्ण दिएं पसंदीदा मठेआइएं ते दुए खानें गी बनाइयै उने'गी भोग लोआया जंदा ऐ। पूरा दिन कृष्ण भजन सिमरे जंदे न ते राती'लै कृष्ण जन्म पूरे धार्मिक जज़बे कन्नै मनाया जंदा ऐ। ठाँगरें दे बरतें पर भगवान कृष्ण जन्म दे सोआगत लेई मंदर ते घर बड़े सनाहकड़े तरीके नै सजाए जंदे न।

<><><><><><>

Janmashtmi Jammu

पूरे जम्मू प्रांतें च अज्ज “जन्माष्टमी” ठाँगरै दा बरत पूरे धार्मिक जज़बे कन्नै मनाया जा'रदा ऐ। हट्टियां-बजार रंग-बिरंगिएं सजावट आलियें चीजें बस्तें कन्नै सजे दे न। खरीददारी लेई लोकें दी आओ-जाई बड़े दिन थमां जारी ऐ। लोक भगवान कृष्ण दियां मूर्तियां खरीदा'रदे न। लोक पारम्परिक लाबे- सजावट आहला समेयान-मठेआइयां ते पूजा च इस्तेमाल होने आलियां चीजां-बस्तां खरीदा'रदे न। बक्ख-बक्ख ज़िला प्रशासनें ते पोलिस नै सुरक्षा दे व्यापक प्रबंध कीते दे न। थाहरें-थाहरें चेक पोस्ट बने दे न ते पुलिस गश्त चला रदी ऐ।

<><><><><><>

Prez-PM LG-CM Greetings

राष्ट्रपति द्रौपदी मुरमू होंरें ठांगरे दे बरतै पर देसै दे नागरिकें गी शुभकामनां भेंट कीतियां न। अपने स्नेह च राष्ट्रपति होंरें आखेआ जे भगवान कृष्ण हुंदे जीवन ते शिक्षाएं भारत दी सांस्कृतिक ते दार्शनिक विरासत च नमीं जान भरी ऐ।

प्रधानमंत्री नरेन्द्र मोदी होंरें बी देशवासियें गी “कृष्ण जन्माष्टमी” दियां शुभकामनां भेंट कीतियां न। “एक्स” पर पोस्ट कीते गेदे अपने स्नेह च श्री मोदी होंरें आखेआ जे भगवान कृष्ण हुंदियां दिव्य शिक्षां- निस्वार्थ कर्म लेई प्रेरणा दिंदियां न- जेड़ियां सदियें थमां मानवता गी बत दस्सा रदियां न। उ’नें मेद प्रगट कीती जे एह त्योहार सब्भनें दे जीवन च सार्थक ऊर्जा- ताकत- अमनशांति ते खुशी दा संचार करोग।

जम्मू-कश्मीर दे लैफ्टिनेंट गवर्नर मनोज सिन्हा ते मुखमंत्री उमर अब्दुल्ला होंरें बी ठांगरे दे बरतै दे पवितर मौके पर लोके गी ममारकबाद ते शुभकामनां भेंट कीतियां न। अपने स्नेह च एल.जी सिन्हा होंरें आखेआ जे भगवान कृष्ण हुंदा जीवन ते शिक्षां अपने च धर्म ते नैतिकता दी जित दा सार्वजनिक स्नेहा समेटे दे न।

मुखमंत्री उमर अब्दुल्ला होंरें मेद दस्सी जे इस मौके पर जम्मू-कश्मीर दे लोके च साम्प्रदायिक समोध ते पराये आहलियां तंदा तगड़िया होगन।

<><><><><><>

Cricket

भारत ने हांगकांग टीम खिलाफ वीरवारें महिला एशिया कप 2026 दे 7में मैच च 137 रन्जें कन्नै बड़्डी जित हासल करियै सैमीफाईनल च अपनी थाहर पक्की करी लेई ऐ। दुबई अंतराष्ट्रीय क्रिकेट स्टेडियम च पैहले बल्लेबाजी करने उतरी दी भारतीय टीम ने 20 ओवरें च 5 विकेटें दे नुकसान पर 193 रन्ज बनाये। स्मृति मंधाना ने 64 बाल्ले च शानदार 124 रन्ज बनाए। स्मृति नै केई विश्व रिकार्ड गी त्रोंड़ी दिता ते अंतराष्ट्रीय मैचें च सब्भनें शा मते शतक मारने आहली महिला बल्लेबाज बनी गई। उनें गी प्लेयर ऑफ द मैच कन्नै नवाजेआ गेआ। हांगकांग दी टीम ने एहदे परते च 16 ओवरे ते 2 गेंदें च छड़े 56 रन्ज बनाइयै All out होई गई। भारत दा हून अगला मुकाबाल अफगानिस्तान कन्नै 13 सितम्बर गी होग।

<><><><><><>

